

逸史

丑

			一五	和書門
一	一	二	二	
三	七	四	四	
冊	六	函	八	類

庫文閣内			
五	一五		和
函	二		書
八	四		類
架	三	八	

内閣文庫			
番號	和	15248	
冊數	13 ( 3 )		
函號	150	31	

六十三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





逸史卷之二

上野養壽院藏

莫陰逸史氏同關子撰



淺胎十文庫

永祿三年庚申至  
元龜元年庚午

逸史氏曰瑞雲公之卒也我大君既拘于尾不得嗣立  
及其還也又為越人所逼徙闔境歸乎今川氏之有流離  
顛沛參國空藉十有餘年自弘治季雖比年往反于舊土  
而越人猶領治所未致版圖羈次僑寓非復歸也乃其踐  
侯位繼先業實在永祿歲次庚申故予已敘述世紀因揭  
是歲以為編年之首蓋麟經表諸侯即位紀元之義予竊  
有奉云

○永祿三年庚申春正月 天皇正親 進行即位禮初

出修齊後書 逸史卷之二





後柏原天皇之立也以喪亂日久府庫耗竭大禮不行者  
二十年所內大臣實隆西三諭太坂本願寺僧光兼蓮如  
如實奉給經費乃得成儀詔陞光兼於准門跡後奈  
良天皇之立也傳大禮十年所周侯義隆措辦之詔陞  
義隆從三位於是藝侯元就遷修其故事詔陞元就從  
四位下遷大膳大夫賜以菊桐章○大君義輝命三好筑  
前守長慶列諸侯二月義輝朝覲長慶扈從敘從四位下  
遷修理大夫○夏五月駿侯義元大舉伐尾步騎四萬次  
池鯉府參我大君時次岡崎以其甲會之十九日進攻  
丸根作間盛重邀戰我師奮擊走之獲盛重追亡薄塞縱  
火拔之駿先鋒朝比奈泰能備中拔鷲津焚之斬飯尾定

宗我元智左右曰大高當尾衝而守備罷弊我欲代之孰  
可者奴曰松平藏人威武亡前乃馳使命之義元益驕親  
巡御寨曰是蟻封之地我當一踢平夷焉遂移麾下十桶  
峽尾侯信長聞丸根警曰大學作間不可失矣投袂而  
起左右能屬者十餘騎矣步騎千餘及于熱田行合諸若  
兵得三十先鋒佐佐律人等馳駿師而死駿人獻其首義  
元笑曰尾人當殲於是役乃張宴酣飲信長望丸根鷲津  
之烟令軍中曰轉取山路偃旗鼓直衝中堅時風砂撲面  
雷雨暴至諸將或諫止弗聽梁田出羽呼曰奇策必有奇  
勝師競攀山踰巔則址即桶峽矣齊鼓譟而下駿麾下鷲  
標駿侯親出帳叱之尾士服部小平太望見而輅之駿侯

出修營機轉 逸史錄之三



拔刀斫其膝毛利秀高新槍刺駿侯獲其首駿師大敗績  
尾師追擊斬首二千五百級駿宿將大臣咸死  
逸史氏曰桶峽之事尾之幸而駿之不幸也我豈論以成  
敗哉然駿之所以敗亦有自取耳蓋視其小尾也可以知  
其驕矣視其虐參也可以知其吝矣既驕且吝則公之才  
尚不足親焉乃義元氏之不足與有為者決也抑駿之封  
殖奕世雄視乎關以來當大有為之世雖大有為之資而  
一敗塗地才膏鋒鏑亦終於不振可勝歎哉

○大君在大高駿人從役者聞變皆遁羣臣乃請退大  
君曰軍中多訛言不可輕去會刈谷侯信元下野使人赴  
駿信元死且曰詰且人必追宜乘夜而去大君曰野州

我舅然今黨尾言難粹信乃遣偵騎視之還報曰信也駿  
營有烏尸皆東首衆爭勸還大君曰暮夜昏黑恐迷失  
道當俟月而行敵能來我亦能戰不足懼焉少頃雨霽月  
出乃整部伍徐引而還人服其宏度○於是駿人據尾地  
者皆潰獨岡部長教五郎兵衛保鳴海尾師圍之固守弗  
下接戰甚力織田氏愛其忠勇乃行成使致城而去長教  
答曰請獲寡君尸不爾有死已信長許之長教奉喪而歸  
嗣子氏具襲立厚賞長教○尾侯分兵守諸城振旅而還  
初我師之出今川氏益留其人守岡崎大君至自師次  
大樞寺不敢入城及凶問至守者棄城遁去大君聞之  
曰人遺而後拾亦詎尤焉遂入大君在外十四年而得

出修將後傳  
地史卷之二  
三



立時年十九親戚舊臣皆集賀先時所部多服從大君  
因欲掃平境內發兵攻舉母梅坪又伐廣瀨戰于楚坂破  
之轉侵尾攻杳懸焚其郭而還尾人追躡大窪忠俊殿尾  
人不能逼自立大君始即戎鳥居元忠每從屢有功是役  
亦疾戰獲首級大君將授以勲狀辭曰臣有微功乎君  
既知之何記載之用且勲狀者四方遊士所證其舊功以  
要諸侯之資耳臣守先祀以事君死生無二藏之何爲元  
忠忠吉子也兄忠宗死事故元忠承後云○桶峽之役尾  
人既克皆謂參當不戰而服不以爲意及大君屢出師  
信長弗懌使謂水野信元日子之甥築鷲如此子當取以  
來信元不能辭乃出兵六月十八日大君擊之石湍十

九日又戰于十八畷交綏秋八月大君復攻寺部舉母  
皆固守不出轉攻醫王寨久松俊勝先登寨人槍刺其肩  
後勝揮刀斷秘直入縱火衆從之遂奪寨○初毛利氏連  
年出兵畧石於是平之冬十月大舉伐雲次赤宍爲久頓  
之計○上杉輝虎以關東管領爲聲欲削平東土是月帥  
兵入上毛連戰陷數城東土多服從焉○初河侯島山高  
政紀伊爲羣孽所逼出亡三好長慶帥師逐羣孽納高政  
擇人相之既而高政黜其人盡復舊孽長慶怒曰是駑才  
也  
不如除之於是與弟實休入河轉戰破之高政奔紀長  
慶乃併河徙治飯盛河內地十一月遣松永久秀徇和下之  
令久秀居志貴河內地○駿侯氏真上總新立親暱小人荒

世宗本紀卷之三

三

世宗本紀卷之三

三



潘亡度絕意於復讐三浦義鎮右衛門佐以面首有寵秉政好  
謠顯權綱紀始壞於是畏參寢疆欲圖之竊為之備二國  
始有讐大君乃出兵于東參畧其故地

○四年辛酉春二月刈谷侯信元出兵抄畧大君及戰  
石湍破之○板倉重定彈正重據中島不服大君使松

平好景攻之重定退保岡城大君親將伐之重定奔東  
參賞好景以中島○先是駿使吉良義昭左兵衛守東條牧

成定右馬守西尾牧清成出羽守牛窪以備我中島以下  
三月大君伐義昭不克以東條近中島令好景當之而

還○東參營沼定盈新八郎與其族貞景左衛門貞吉刑部貞勝  
及西鄉正勝正左與平貞能美作畔驗各以其邑來降

○初三子長慶子義長筑前入京師大治其邸長慶亦尋

至是月享大君義輝于新邸義輝驩甚心念晴元為言之  
長慶乃出晴元給以田居三年晴元氏綱皆死松永久秀

深忌義長有才量義長亦疾久秀奏請除之長慶弗聽○  
越侯謙信伐相關東屬相者多降轉戰迫小田原城垂陷

謙信一日如鎌倉謁鶴岡利憲忍城王成田長康下總守  
不恭舉扇搥其面長康逃歸以忍畔東人多應之謙信

班師關東復皆為相○松平好景數出兵與吉良義昭戰  
夏四月義昭分兵攻上野好景使子伊忠赴救義昭間之

襲中島好景擊走之追至善明堤好景障馬義昭反兵擊  
之好景中矢而死軍遂收好景五弟及板倉好重伊賀守



八右 衙門等死之好景崇岳公五世孫有膽略兼善國詩以醞

藉開泉皆惜之○大君築津平小牧命松井忠次右本多

廣孝豐後守之以備東條○五月駿侯氏真遣兵擊菅沼

西鄉與平氏主人皆苦戰自守者累月駿師卒陷野田逐

菅沼定盈繼戍而還定盈尋襲而復之○藝侯元就之入

周也豐後侯宗麟旁觀不救欲坐併豐前筑前及周亡豐

前郡邑多應藝宗麟乃出兵轉戰累年未定於是再規進

取六月令其族戶次道雪丹後守監連又伯等出兵于豐

前拔其數城○秋七月大君率兵三千攻牛窪駿人據

鳥屋參地使松平信一石川家成日向攻之城依山險固守

不下大君至自牛窪道經長澤參地自謂山下阻隘鳥屋

敵脫出斷歸路恐不能相救乃分兵為二隊麾下轉出山

南會鳥屋城中失火山下衆錯意麾下襲城縱火乃馳上

山麾下見之爭馳信一家成皆謂大君來助遂自奮先

登駿人驚皇棄城而遁本多忠真肥後以槍殪一人商姪

忠勝平八郎忠高子平曰誠之忠勝時年十四答曰童子

非因人成事者矣進擊殪一人獲首級而還忠真曰大

君曰平入雖幼膽氣可用大君悅焉○吉良義昭與其

弟荒川城主義虎甲斐有隙九月義虎因酒非正親降遂

邀正親合兵攻西尾拔之牧成定奔牛窪正親假守西尾

欲伐東條會義昭上富水景通伴五郎軍于藤波畷欲攻小

物本多廣孝乃與正親合衆要戰松井忠次自津平赴援

出修曆叢書 史記卷之二



成定遣兵助景通成定士須瀨宮內進要正親正親築以  
稍斃之景通關弓嚮廣孝廣孝把槍馳而刺之亦殲東條  
兵潰我師追尾鼓譟陵城義昭遂降大君實義昭于岡  
崎使鳥居忠吉松平信一成東條妻義虎以母妹遂行  
賞賜正親西尾賜廣孝景通邑貝福駒場長良明忠次津  
平尋赦義昭復之景通木姓伴爲著姓富永大伴設樂山  
岡瀧川皆爲同族景通裔後復伴氏比池田氏云○刈谷  
城主水野信元欲弭參尾兵乃往說尾侯曰今川昏愚不  
足慮矣唯我甥元康雖少而勇智絕人介二大國間以微  
力圖自立其志弗易測焉渠縱實與駿絕勢必不肯來附  
今力爭之恐費歲月公不若枉意與之還和使渠當東面

公自啟西封其利大矣信長悅令瀧川一益左近將監爲行人

見石川數正伯耆守行成信元亦使人來請之大君召羣

臣議之酒井忠次進曰今以區區之地抗衡二國實非全

策今川氏當仰瞻之日唯酒色是耽信讒喜佞衆畔親攜

非長世之主請許尾使數正及石川家成日向守酒井正親

等俱贊之曰忠次言是也大君曰駿今雖有小變其若

舊好何僉曰日者駿利君之幼陽扶之陰覆之君之在駿

十餘年我租賦皆充其庾我丁壯皆奔其命死亡流離慘

不可言桶峽之役使君當丸根又留於大高此以至艱處

我也成則彼收其利敗則我受其害殘賊之罪神人俱怒

故天藉手於尾以斃之由是則駿我宿讐非舊好矣今加

出修齋叢書 逸史卷之二



以嗣君闇弱汰侈實天亡之時宜與尾和以圖之但室  
 家在駿末可遽告絕是當以謀取之已駿重絕我必不加  
 害焉 大君曰善乃許平信長大悅使一益及林通勝佐  
 會石川數正高力清長與左衛門守于鳴海以定封疆歸  
 其侵地廣瀨舉母梅坪丹家寺部等之田悉撤守備 大  
 君請往盟信長命修橋道葺館舍時夫人開口氏世子信  
 康皆留于駿諸臣家亦多為質酒井忠尚聞 大君將適  
 尾自上野人見曰尾接境攘實為虎狼可和不可往今夫  
 人世子皆在駿尾胡信我且損質債好衆必疑貳願熟圖  
 之 大君曰善然約已定矣不容中輟卿亦冥孥于駿幸  
 以昇與忠尚斃然曰臣豈為百口地乎拂衣而起烏居元

忠本多廣孝平岩親吉侍焉皆曰將監必反臣等請追斬  
 之 大君止之曰將監言不為無理亦未必叛已而忠尚  
 移疾不出亦無反形○是月大友氏兵進圍門司豐前地毛  
 利氏自雲分兵令子隆元隆景航海救門司連戰不決而  
 罷○冬 大君如尾尾侯令林通勝九郎右衛門谷長賴右衛門龍  
 川一益迎諸熟田既抵清洲尾治所將入門尾人觀儀衛者  
 重沓譁譁本多忠勝揮眉尖刀進當馬首叱曰吾君在此  
 若等胡無禮衆皆膜拜屏息尾侯躬迎而入植村榮政執  
 刀從焉備士呵禁榮政瞋目曰身是植村新六奉寡君刀  
 呵者何也尾侯標衛士曰新六壯士嚮聞其名今見其面  
 尾侯與 大君盟載書曰尾宰天下參為之輔參制天下



尾為之佐有論是盟明神殛之既盟嬰之尾侯召榮政賜  
 酒曰鴻門再見舞陽 大君至自會尾侯欽 大君英武  
 郊勞贈賄禮意甚勤又使通勝長賴來拜盟○駿侯使人  
 來讓酒非正親遣使者如駿因嬖人三浦義鎮辭曰駿參  
 世好整皆為質豈有他志但尾強大以敵邑密邇也日來  
 相備眾寡不敵姑通和好以紓難耳駿若有事于尾請索  
 敵賦以當前鋒駿侯意解○備前國主浦上宗景帶刀左衛門  
 父曰村宗掃部村宗祖父曰則宗美作守世仕國主赤松氏  
 赤松氏既衰則宗以寵於足利氏多食邑于播磨至村宗  
 其宗益強永正中村宗弑其主義村上總介又下野守又左京大夫奪國  
 遂割播磨而有之其宿將浮田能家和泉守依村宗有功能

家孫直家和泉守嬖於宗景宗景庸闇直家顯權得士心乃  
 以詐術多殖封內諸豪皆併其室富軼公室於是以岡山  
 畔關宗景天神山浦上治所宗景出奔于嶮直家自立即治于  
 岡山國勢滋張宗景後入君兒島備前地尋遇弑浦上氏亡  
 ○五年壬戌春 大君以西參系復欲略東參駿令鷄殿  
 長照藤十郎守上鄉參地三月 大君使松平清善攻之不利  
 使松平伊忠久松俊勝松井忠次助之忠次發甲賀細作  
 十八人入城縱火為應我師競登拔之長照與其二子氏  
 長右近氏次三郎挺身而逃追擒二子 大君命俊勝守  
 上鄉○初石川數正竊謂郎君在駿無有護衛今川氏狂  
 暴其危弗測乃欲往侍焉度 大君弗聽留書濟行氏真



居恒重長照而酷愛其二子及二子就俘痛惜弗措數正乃因關口義廣請易質氏真許之數正馳人報之大君大悅送氏長氏次于駿敷正奉夫人關口氏世子信康至自駿人稱數正忠駿亡氏長氏次皆來仕長照妹尾侯聞之許以其女妻信康既而駿侯悔之遷怒殺關口義廣遂收我諸臣任子盡殺之極其慘酷於是尾交益固而駿怨愈深○一條大納言房家以永正中避亂如土時細川氏浸微國中不靖衆推房家為國司境內輯穆國有七大夫長宗部本山吉良大比羅香宗部安岐津野七族也輔政其貫首曰長宗部元秀宮內少輔世為岡豐城主元秀專六族作亂元秀見殺其幼孤曰國親宮內少輔房家收而撫之既長宗予舊邑與六族平通婚

娶天文中國親舉兵與六族戰滅其一弘治中又與五族交兵會病死其子元親彌三郎後宮內剛戾善鬪乃勒衆大破五族又滅其一四族行成房家四傳至中納言兼家威令既衰元親慨然有兼并之志屢攻奪四近厚自封殖是月舉兵伐四族悉下之威振國中元親姓秦其先食采於信之長邑因氏焉其裔如土嘗家于宗部又因氏焉時有嶮人香川氏亦居宗部而氏之遂以長宗香宗別之云倭名鈔土佐國香美郡有宗我注曰曾加長岡郡有宗部注曰曾加倍後世作宗我部又轉作曾我部蓋謬混二者持致過長○夏四月引開遠地叛駿來送款駿侯氏真遣新野親規左馬助攻引開拔之親規亦鬪死先是氏真以誘殺其部下井伊直親肥後守收其城邑其子小字萬萬千生二代



年氏真欲殺之親規與直親善為哀求收視焉及親規死  
 氏真又欲殺之親規妻匿諸佛寺獲免後直親妻改嫁參  
 人松下清景源太乃迎取之及長英邁不羣是為兵部大  
 輔直政○初佐佐木承禎入京師據白川與三好氏相拒  
 踰年河人泉人擁畠山高政假根來寺僧兵入津與三好  
 實休戰獲之圍長慶于飯盛月餘五月長慶與阿人嘖人  
 夾擊大敗之高政出亡餘黨降散江人聞之遁五畿悉平  
 ○秋七月嵩山地參守將背駿來送款駿師攻嵩山拔之○  
 九月駿遣朝比奈泰長紀伊襲取五本松地參城主西鄉正  
 勝死之正勝子元正孫六守月谷地參聞警赴救見父遇害  
 冒秦長陣而死泰長遂拔月谷元正弟清員左衛門見捕行

歷懸崖斷袂自投獲脫因菅沼定盈告其狀 大君召清

員命正勝後辭曰元正有遺孤 大君嘉之○大君親將

伐板倉彈正重定于佐脇地參以酒井忠次松平親俊為前鋒

榆城參地即牛窪與佐脇合眾迎戰于阪井我前軍敗分

兩路而走地參邊守綱半藏秦正吉夏目次郎右衛門一作吉

至夏生芽故呼為夏信各殿敵追甚急二人單騎把槍及擊

勢回敵不能逼 大君聞敗馳援敗卒復萃 大君用矛

親冒陣遂破之追亡獲彈正進攻左脇拔之○冬十月

天皇發中使託用幣于執田祠密 詔於尾侯曰朕聞叔

氏偉畧為日多矣今朝廷衰細奸宄縱橫叔氏幸養威力

以圖 王室若能肅清輦下修整宮闕興廢滯振乏絕使

出修齋齋 地史卷之二



庶尹百司各得其所以策不世之勳則予一人以懌因賜  
 奇香暨衣一稱尾侯再拜稽首答曰今也大國雄藩不為  
 少焉特賜寶命于小邦臣信長何榮如之臣請先平瀧江  
 然後弭節京畿謹扣天闈以拜命辱十一月享使者厚其  
 贈賄遣歸○神原長政七郎右衛門次子曰龜丸幼而沉靜好  
 學讀書於大樹寺善筆迹於是成童大君召而祿之是  
 為式部大輔康政小平康政系出於仁木義長右京大夫子孫  
 居勢之神原因氏之其裔清長七郎右衛門徙參仕松安公是  
 為康政王父云○初毛利氏伐雲屯赤宍者再期招納遠  
 近乃進移陣違富田雲治七里大城洗合雲地據之列十餘  
 寨欲不戰而屈之故禁攻畧嚴守備割鮮犒師高會歌呼

又邀加道博士洎國詩聲樂鬪香蹋鞠等專門朝士至自  
 京師日夜演習以示暇豫已而山陰山陽二道侯伯諸豪  
 往往通好送款尼子氏諸城降附相望於是富田孤立轉  
 漕艱給城中大窘十二月雲侯晴久卒子義久右衛門督嗣  
 ○六年癸亥春正月大友宗麟使謂尼子義久曰請夾擊  
 藝波毛利氏以分其地義久喜修好○二月大君遣松  
 井忠次攻崑畧寺參地拔之○是月大友氏出師略豐前  
 欲航于周長毛利隆元軍于防府周地以備之○三月大  
 君親略地與駿小原鎮實肥前戰小坂井破之○大君義輝  
 奏請使聖德親王道澄如藝大納言源通興我久如豐講和  
 二國聽命收師○夏四月長宗部元親與土佐郡吉良駿



河戰大破之駿河出奔于噴香美郡香宗部景好左近懼

而降於是二郡諸城皆服從二家並舊七大夫之宗也○

五月 大君出獵深溝其城主松平伊忠享之人大君賜

之鷹因曰長澤要地甲人窺之久矣信玄英雄非卿莫當

之六月伊忠徙治長澤○王人留藝數月又喻毛利氏與

尼子氏平秋七月毛利元就疏上十事辭成王人不能強

而歸○八月三好義長暴卒蓋松永久秀毒之而長慶弗

知也長慶亡後乃取十河一存長慶弟民部大子義繼為

嗣深悼義長死忽忽廢務久秀益橫○毛利隆元將如雲

途卒九月元就立嫡孫輝元右馬頭後中納言為嗣已而元就恐

兵氣以喪撓進圍白鹿熊野並雲地又分兵入伯雲侯義久

亦屢出 兵所在應援藝人累戰皆捷遂下白鹿退次洗合

按 元康九月 大君 ○冬十月 大君使苜沼定顯藤十

越後 築佐崎饑儲未備定顯巡邑徵發歲歉無所獲焉見

邑中上宮寺有募化齋糧委積令人謂寺僧曰新城之糧

民不能給姑貸此以副急尋常償還即命役夫盡數搬輸

寺孫一向宗一向其始祖曰親鸞以蓄妻茹醬骨肉相續

為宗風嫡宗為本願寺在大坂勢擬王侯支派蔓延天下

愚民崇信最甚天正後一揆之亂沿習成風動輒犯土寺

僧於是發怒與本國同宗鍼崎勝鬘寺野寺本証寺土呂

善秀寺僧議聚門徒千餘人門徒益歸依信從者也遂鼓

譟攻菅沼氏劫掠馨室而去定顯慰之 大君令酒井正



親治其黨斬首惡以徇四寺僧益怒合謀悉會門徒嘯集  
反側者舉兵而反各據寺為壘壘人授一符署曰是舉為  
法除敵前死即登天堂却生終墜地獄其徒相傳扼腕煽  
動士大夫亦多其門徒信其誑誘爭先往歸他或為親戚  
所招或欲因以釋私憾遁者日夜相望矢田作十郎邊  
半藏綱守蜂谷半丞負寬助大夫正本多彌八正信後三彌  
正信弟等數百人分屬四寺賊又說吉良義昭請擁以為  
正重弟等數百人分屬四寺賊又說吉良義昭請擁以為  
主義昭乃以東條畔義虎以荒川應之酒井忠尚以上野  
松平家次以櫻井一昨皆叛各舉烽燧首尾相應事起倉  
猝四境騷擾大君大愕部分諸將據城寨以禦之大窪  
忠俊聚族于車田為岡崎聲援石川家成與諸公族攻上

野原康政先登有功酒井正親攻荒川松平信一攻本  
証寺松井忠次攻東條本多廣孝與勝鬘善秀賊戰時賊  
勢猖獗我師未得志大君屢出赴救賊望見大君輒  
皆曳兵而趨風棗正吉從賊據野羽松平伊忠攻拔之禽  
正吉請而免之他年薦之曰正吉一時雖惑而天資義勇  
臣知其可用矣大君召而祿之後果如其言本多廣孝  
討東條與賊戰太敗之酒井忠次討本証寺戶田忠次三郎  
左衛門奪後門入不能拔而還十一月滅崎賊攻輪田忠俊  
率族邀戰厚木坂一作小豆阪國讀通也阿部忠政善射  
賊將渡邊守綱寬正重等皆傷大君親將後之合擊攻  
之蜂谷貞次單騎退水野忠重總兵衛後追而罵之貞次



種戈反之忠重畏勢卻退貞次詬曰固知汝非我敵故不  
戰耳大君親馳蹙之貞次縮首而退松平金助追尾貞  
次顧曰君威咫尺我姑避之汝胡足畏遂刺殪之 大君  
叱之乃驚走寬正重射平岩親吉中耳進將斬之 大君  
又叱之亦驚走忠俊將兵進攻鉞崎次于伊田忠世與本  
多三彌相邀以銃忠世先發三彌傷而退遂與賊連戰賊  
設策曰徒戰亡益今分兵于妙國寺斷其歸路夾而擊之  
彼必趨土井其地皆水田賊急逼之先者沒淖後夫死兵  
可一舉而殲焉議已定蜂谷貞次忠俊女婿心傷其族不  
免乃單騎馳至妙國寺原上傍徨四顧忠俊惜收軍而還  
十二月 大君親攻上宮寺天野康景與賊矢田作十郎

馬場小平太等戰破之康景殪小平太高力清長本多重  
次攻土呂閏月本多廣孝松井忠次攻東條時尾侯伐濃  
方與齋藤氏連兵不能來援國事殆急而駿侯酣於廢政  
亦不能乘我弊云

逸史氏曰甚矣異端之害也參人一聞邪誕之說相率冥  
然推及乎君父悖逆之辜固不容誅矣夫佛入我邦千有  
餘年于此其蠹國毒政莫世無之及 王室之衰魯岳寧  
京之巨利動輒抗兵於魏闕可憎之甚者然亦唯奸僧猾  
釋冒利誦屈以恣其披猖耳乃至列士大夫一朝倒戈反  
噬禽心獸行若是之甚則振古未之有也吁嗟上失道也  
久矣其御世帥民長檢而已矣太劍而已矣禮教秦蕪學



術譚晦夫人茫然罔所持循足利中葉威力亦衰妖妄之辭投間橫出構成一揆之難者既三十年時久慣見或謂釋教所存名教可廢矣以致今日大逆之變當初長國家者不得辭其責矣抑異一向之教其爲說也層淺鄙俚無足道者而其惑人心比他爲尤甚焉蓋以其單立成佛報恩之說也亡學之人皆能曉解以流俗自居也愚夫愚婦易因易親以子孫繼續也大下人情當有所繫屬歸嚮矣是以自其肇祖至於斯時三百有餘年其勢張皇輝赫日甚一日在昔唐時蜀有獠村其民剔髮若浮屠者蓄妻子自如也李德裕下令禁止蜀風大變惜矣夫國家創時無德裕之見不能制之於始而終以至番化盤互未如之

何今也其支派布滿郡國窮侈恣欲傲然無所施爲而萬姓傾貲奉給仰以爲活佛可怪可駭吾懼後世滔天之患其必在于此也

○七年甲子春正月三日大君將討佐崎旣命置砦賊焚作岡二持之會川谷侯信元來賀正大君見烟起辭信元擐甲而出信元從焉大君使輪田兵當佐崎徑至小豆坂與賊遇近藤新一射大君中轡大君怒親馳冒陣師與信元軍爭擊卻賊斬其三將十一日賊分七呂鍼崎野寺兵圍輪田大窪忠俊率族接戰忠勝忠世皆傷賊爭進大君聞之馳救中根利重善前擊賊而渡邊半藏遭而傷鵜殿康孝死之賊勢甚銳我師殆敗大君督



戰軍馳之時銃制既徧兵士習熟大君屢中丸不入  
 石川十郎執槍輅大君內藤正成四郎左衛門射而殪之又  
 射渡邊高綱守綱左衛門洞胸而死日入交綏大君還解  
 甲則銃丸墮者二三月酒井正親會刈谷師與賊戰于櫻  
 井野寺破之大君親擊本証寺賊于西野設伏破之十  
 三日佐崎賊以矢用作十郎為將攻岡崎大君曰作驍  
 健善鬪賊恃以為重彼負其勇每戰必先衆今日必取之  
 乃令銃手曰狙先者打之及戰作果先進中丸而死賊遂  
 潰時賊屢挫衄人人疑懼相悔責曰吾儕信妄言抗兵君  
 父大逆之罪無所逃焉於是衆心攜貳無復鬪志或勸本  
 多正信歸順正信固執弗從蜂谷貞次因大窪氏謝罪請

降大窪忠俊白之 大君且曰今天下糜沸羸弱大併  
 小而境內分裂舊臣宿將半為叛賊四隣或伺虛乘閒其  
 危弗測不若因其有悔心一切赦之以固邦基 大君頷  
 之貞次乃與衆議要以三事其一將士降者祿秩復舊其  
 二寺院僧侶亦皆依舊其三魁首減死罪一等 大君聞  
 之曰他皆如所請唯魁首不可不誅忠俊固諫曰賊之向  
 背未可知枉許其請以安反側實宗社長策客歲以來臣  
 族躬冒鋒鏑死傷相尋若錄微功臣所以賞代之後蒙再  
 生使之為先鋒攻上野東條以功自償水野信元亦數為  
 請 大君屢勉從之二十八日令貞次率鉞崎賊會于輪  
 田以盟賜書悉赦之使石川家成率降將蜂谷貞次渡邊



守綱等如士曰呼賊謂曰若等大逆罪不容誅但以水野  
氏爲若懇謝哀求特從寬典降者一切赦之幾有所問賊  
皆拔戈拜舞佐崎野寺賊相尋皆降乃使之爲先鋒攻東  
條吉良義昭請降不許義昭奔江又攻荒川義虎奔河內  
松平家次酒井忠尚皆降家次信定孫大君以其三世  
圖不軌欲誅之忠俊固請而免之家次尋卒忠尚雖屢叛  
亦宥之封內悉平乃檢四寺及士人爲戎首者或蔽瘡不  
回若本多正信等皆滅死逐之

逸史氏曰若是乎參國威刑之不立也夫必罰之與信賞  
並行而不可偏廢者雖三代之治亦是物已妖賊恣其毒  
螫旗幟不可乃賣降市恩大君英武有意於正其罪而

大窪氏老謀建匿瑕含垢之議隨以虛喝之說大君亦  
不能無惴惴勉強從之威刑一無所施豈不惜乎哉書曰  
大討有罪五刑五用哉又曰殲厥渠魁脅從罔治未聞宥  
元惡之死悉復黨與之官秩令其與功臣駢肩鞞鞞是不  
翹懲亡所懲善亦無所勸其曷以爲政賞罰之柄爲人上  
者不可不慎焉

逸史氏又曰當時敵國屢境外患接踵而變生肘腋禍延  
數月實殆哉岌岌乎大窪氏虛喝之譚未爲懸空無據然  
則帷幄良圖爲之果何如曰夫方事之殷勢似可畏然潢  
汗之水幾何不涸國人雖罹一時誑誘而秉彝之良弗可  
泯焉故當其煽動嘯集之初勒移馳檄諭以大義諄復喚



醒焉乎倫理之重順逆之大雖以佛說之誕烏得而汨之  
乃若惑之未深與他故入黨者不得不猛省竊寤改轍而  
徕歸暴漲之勢一半可殺矣又乘其敗衄之機厚賞購之  
以啟其自新之路乎則賊黨攜貳石嫌左猜元兇之首可  
坐而致焉是事之至要而理之所必戡定之功旬月可辨  
也參國明良之會算宜無遺策而未始聞有隻字之喻寸  
余之購徒臨以威力特爭長幼於鋒刃之下抑未矣吾則  
惜之

○三月 大君徇東參夏四月小笠原康元新太率其族  
長隆右馬貞慶喜三郎後等以幡豆來降請伐吉田原  
以自效 大君出兵助之又置紫一宮以逼牛窪牧定成

清成以牛窪降○五月今川氏次掛川遠為吉田田原聲  
援分兵圍一宮 大君帥兵二十趕救與駿偏師八千遇  
擊走之次本能原氏真不戰而罷○戶田主殿畔駿以榆  
城來降小原鎮實肥為驍守吉田朝比奈元智肥守田原  
六月酒井忠次與小笠原康元戶田主殿牧定成攻吉田  
決戰蜂谷定次中銃丸而死本多忠勝擊敵却之既而駿  
師不出吉田孤立食且竭鎮實請成致城而去 大君賜  
吉田忠次本多廣孝攻田原破外城元智致城而去 大  
君賜田原廣孝○修理大夫長慶久病而憤松永彈正幸  
之譖安宅冬康長慶弟攝津守以反掩殺之已而長慶聞其亡罪  
也疾更劇秋七月卒年四子長繼右京弱其族與彈正

附錄 卷之二 廿九



及岩成主稅爭權政大亂○八月尾侯克濃濃侯龍興右  
衛大出奔齋藤氏亡尾侯徙治稻葉山地濃改名岐阜○酒  
井忠尚復貳潛以上野附駿九月酒井忠次本多廣孝討  
上野內藤信成三左衛門尚少先登有功忠尚部下士隲  
其反覆皆出降忠尚奔駿愧怍成疾尋死云○大君又攻  
御由守部皆拔之東參悉平○甲侯信玄聞大君英邁  
疆土日啟使人來通好大君喜許之○筑後諸豪幸世  
亂往往自立罔所統屬大友氏既與毛利氏平海北亡虞  
乃圖南勦是歲出師入筑後攻井上參生猶尾諸城數月  
下之高羣來日牟田柳川高尾高良等皆下國中悉平  
○八年乙丑春大君始置三奉行命高力清長本多重

次天野康景爲之清長寬重次猛康景慎重和左右而政  
治大行境內悅服時人爲之語曰浮圖高力夜叉作作左  
重次彼此無方天三郎三郎兵衛康景○藝世子輝元及吉川元春  
子元長皆弱二月始帥師抵洗合請躬攻富田藝侯悅曰  
真吾孫也遂議進取三月遣兩川先取富田麥夏四月元  
就悉衆三面攻富田雲侯義久與弟倫久九郎秀久八郎同  
出城接戰各當一面殺傷相當元就曰堅城勅敵未可力  
爭也乃退復次洗合○大君義輝患三好松永偪津人或  
流說公方氏將有所討義輝方治策門墻未完松永久秀  
曰可也五月與其子久通右衛門及三好長祿日向政康下  
守岩成左通主稅擁三好義繼潛兵入京師十九日急圍



二條第<sub>三</sub>輝親出拒之侍衛皆死乃縱火自殺足利氏亡  
 長慶之死也以義繼尚弱遺命三年秘喪未周歲而難作  
 其徵兵以長慶令故時人皆曰長慶弑君事久不白也義  
 輝弟二人一曰覺慶為南京一乘院主一曰周高為鹿苑  
 寺主三好松永誘周高殺之夷川街幽覺慶於院初阿足  
 利氏託二子屢求入二子乃迎義榮故將軍植孫于阿義榮疑  
 懼未至會久秀與三好族生禦各授甲於是反側子爭舉  
 兵畿甸復大亂攻戰不息秋八月細川藤孝兵部奉覺慶  
 出奔于江覺慶髮而更名義昭藤孝三淵伊賀守晴貞子  
 晴貞一作宗薰蓋晚號也或曰藤孝義昭庶弟其母媛三  
 淵氏氏從焉又曰三淵氏先足利尊氏庶子也皆未有  
 證矣細川右馬頭元常取為假子因冒其姓云○九月毛利

氏復進軍築長圍逼富田益斷其糧道○冬 詔敘足利  
 義榮從五位下任左馬頭

○九年丙寅春正月松永久秀以亟敗退保界府二月三  
 好族大舉追之久秀行成○夏六月足利義榮以舟師至  
 津諸寇聞之多弭散○尼子氏受圍既七年城中食盡外  
 絕救援人人危懼初毛利氏之逼月山富田城稱也所在  
 置關設戍執城中逃者輒斬之因榜於城下曰亡者降者  
 無男女少長必死城中恒怖無一人出者蓋欲亟竭其糧  
 也已而料城中已餒乃悉撤關戍更其榜曰亡者不迫降  
 者不拒皆從帝典於是雲人爭潰舊臣宿將已下賣降者  
 相踵城中不過數百人會藝侯元就嬰疾月餘不瘳兩川





以元就年高恐有變乃勸降于城中秋七月雲侯義久出  
降雲亡藝侯拘義久及倫久秀久送諸藝雲遺臣川副常  
重美作中井久包駿河山中幸盛鹿之立原久綱源大等  
七十人跋涉而至請從藝侯不許半途饗而遣之毛利氏  
於是併有藝周長石二備因伯雲隱世稱為十國侯  
逸史氏曰嗟乎尼子氏受圍七年之久而無他伎倆坐以  
俟斃可謂拙矣毛利氏勞師勦民取快乎必勝喪亂之世  
而四境亡他虞得專力於一方者幸耳矣一時託以為老  
謀良圖豈其然乎要之一成一敗蓋君子無取焉  
○八月賊黨以二條第燼權實義榮于頓田津地○冬十二  
月詔敘大君從五位下任參河守○

○十年丁卯春二月 詔拜左馬頭義榮征夷太將軍三  
好長緣等求媚新君不禮義繼義繼患潛奔界府夏四月  
松木久秀擁義繼募兵入南京長緣等帥師擊之久秀夜  
斫其營燔東大寺長緣軍潰○大君結世子信康婚于濃  
五月濃侯信長使作間信盛右衛門送幼女○秋月氏之亡  
其孤種實筑前守又潛匿有年於是舉兵求援于藝夔秋  
月城陷之所有響應豐侯義鎮出兵伐之不克○甲侯信  
玄見今川氏荒淫信諺驪日削懼參併之以偪已也欲先  
取之秋七月使人謂駿曰今東參已叛駿而松平氏寔強  
卽以東參見與我且出師以除君害以姻好之故敢布腹  
心氏直揣其譎怒與甲絕信玄乃使山縣景景三郎來曰

川修曆書 德也 卷之二



請併力滅駿割疆於大井河以修隣好。大君許之。○冬十一月甲侯殺其世子義信。武田太郎初義信勇而得士心既為世子甲侯以我逐父也恐義信效之嬖人子勝賴。四郎有寵讒間乘之甲侯下義信獄執其黨八十人誣以謀逆皆斬之。駿侯信長聞之求婚取甥女為女室於勝賴。信長濃之苗木城主遠山勘太義信幽囚四年於是就死。眾皆冤之。我信專今川氏駿侯妹也是歲大歸駿侯滋怒。○十一年戊辰春正月十一日詔任大君左京大夫。○甲侯統下皆山國仰鹽于駿相駿侯與相侯合謀禁商賈絕甲鹽漕甲人大窘越侯謙信聞而歎曰夫二家不能以武加甲乃困人以甲怯下策可憎矣甲雖仇讐其民何

意因修書甲侯曰公與寡人所爭在武駿相下策寡人所惡聞自今通商販給以北鹽請信意取之遂下令賈人曰務平鹽價毋有擅利既越甲水陸轉漕相接甲人深服其義。○初西園寺氏避京師難並豫豫亦分裂無所統一眾推西園寺為國司實諸宇和島至其齋公廣國中益爾舊族河野通直。彈正忠宇都宮豐綱交兵積年公廣不能制通直嘗送款於藝因求救毛利氏遣吉川小早川率舟師赴援豐綱求救於長宗部氏二月兩川與通直合兵進戰荐款于藝豫悉平藝侯權令通直為守護。○三月我師略遠久能城主宗能。左衛門宗強而地險高力清長度其力





取勞衆緩頰說之宗能乃畔駿以久能來降松下之綱以  
西冢降近邑望風歸降松平信一柳原康政擊下堀川  
大君伐鬱山取之○足利義昭之奔江也依佐佐木承禎  
屢求入討賊會湖人作亂承禎以難辭焉居三年承禎子  
義弼左衛門佐與三好氏通謀將攻義昭義昭乃行及若若小  
而窮適越前朝舍左衛門督不禮焉義昭益窘聞織田氏  
新國于濳壯武罕比將適使上人秦華筮之遇臨三三三下兌  
坤之節兌上曰知臨大君之宜吉曰是爲上柔下  
剛柔以應剛以知臨下不自用而任人不勞而治行爲大  
君得其宜其貞澤也其悔地也以此臨澤爲勢也親矣下  
說而上順是以元亨吉勢大焉秋七月令細川藤孝上野

清信中務大輔一作秀正如濃請爲討賊濃侯大悅使人迎義昭急

規進取以湖南當路也發使招諭之使者三反承禎弗答

○先是津諸城主以足利氏既亡也益分黨相攻八月池

田勝政與伊丹茨木高槻有馬四城主戰于稻寺敗之又

戰于白井磯勝政統下荒木村重攝津守中川清秀瀨兵衛等

健鬪復破之清秀獲高槻城主和田伊賀守村重等茨木

佐渡守遂拔茨木拔之○豐侯宗麟與藝人戰破之遂伐

秋月降之○九月濃侯信長大舉伐湖南使人來乞師

大君命松平信一帥騎二千會之十二日攻箕造信一疾

戰斬首二百進而門爲呼聲如雷濃將作閒信盛丹羽長

秀五郎左衛門木下秀吉繼之奮擊城遂陷轉取和田湖南震

川修齊卷之二



未決旬望風潰者十有八城都城聞之亦潰承賴宵遁

甲賀山谷佐佐木氏亡其統下日野城主蒲生賢秀右衛門

大獨保守以死自矢濃侯嘉兵節賢秀妹夫神戶盛友

載為濃在說之乃出降濃侯復其邑召松平信一賞以相

華戎服曰子膽有毛矣○木下秀吉尾國愛智郡銀杏村

一名人父曰彌右衛門小字日吉或云母夢太陽入懷生

之故名焉八歲而孤邑人筑阿織田氏微者謝病耕泉

因納為繼父生男秀長及一女日吉既長稱藤吉豪邁有

大志嘗為松下之綱嘉兵衛一作元綱蓋以字似誤也奴改稱與助竊金

而逃資以筮仕于尾信長愛其才幹從軍又亟有功因列

將校累食三千石病其寒微而心竊慕丹羽長秀柴田

勝家虜武乃設姓為羽柴及信長從濃益見任用云○賊

黨聞濃師出分兵戍京師將軍義榮猶在頃田發疔暴卒

廿三日濃侯迎義昭于師廿八日率兵五萬入京師賊成

孽風而遁廿九日柴田勝家圍青龍寺城岩成左通以城

降京師平信一辭歸冬十月朔濃侯南下攻池田城主勝

政出降三好長緣政康等挺身奔阿高樞芥川地越水地津

飯盛高屋河內地等皆降三好義繼松永久秀及其族黨皆

降不出戰日津河悉平濃侯班師次清水寺館義昭於本

國寺下令秋毫無所犯盡蠲關征徭役朝野帖然廿二日

義昭朝覲 詔拜征夷大將軍是為廢大君敘信長從五

位下任彈正忠義昭欲令濃侯為管領朝旨擬以副將軍



皆辭不受曰今日之舉臣非自為也乃令擇取畿內地又  
固辭但置吏於界府大津以管之廿五日辭就國義昭嘗  
資甚厚呼為阿父逸史氏曰義昭氏之入義在復讐信長氏之出名在討賊  
宜直取三好松永加以顯戮暴白其罪以對天下夫然後  
足以酬其志京畿風靡巢窟既覆二氏實凡上之內何難  
之有今乃甘受降容逋不復以為意夫復讐討賊之實安  
在哉是知義昭借以徼富貴而已矣信長托以啟雄圖而  
已矣志滿決足委墮至此君子以此十二君之不終然觀  
信長恭謙之美法政之修猶可以有為也唯義昭碌碌  
○信井和地順昭孫順慶有朋略糾合郡邑竟併半國是

月織田氏令松永久秀伐筒井以自效久秀亟戰輕克順  
慶乃請降于濃織田氏知其可用也乃許之悉予其所併  
順慶亦深結納○緒谷侯淺井長政備前守有湖北織田氏  
之滅湖南也不抗亦不服於是見濃日強懼求成信長悅  
許之以妹女之○十二月甲侯信玄伐駿次空總地○大  
君帥師略遠下井伊谷刑部菅沼定盈與有力焉大君  
賞以其舊邑在遠者會引間地遠守將與其屬有卻相兵而  
死廿八日大君入引間招納馬伏高天神地並遠○初駿  
侯氏真信讒羣臣攜貳邦俗每中元士女麗服設場拍舞  
騁入義鎮好之以懲瀆駿侯駿侯大悅盛行之國中靡然  
成風競出新樣窮極奢侈士民男女孺雜無別駿侯日夜



飲嘗接冬而後罷年甚一年民開行在廢耕織士大夫窮者或鬻甲仗鞍馬以給其費其不之為者目為詭異百方陷之上下解體愁怨載路統內諸豪皆懷離畔甲侯眼之密結駿人以厚賂及甲師至駿侯親將次清苑寺師不戰而潰駿侯遁還會華臣議守備無出一語者退而皆決諸城爭奔駿侯奔砥城甲師入縱火大掠都城燼焉駿侯初義元作書誡氏具曰若既長未棄幼志鬪雞走狗文武兩廢今而弗悛其喪邦覆宗必矣氏真不以為意至此果驗逸史氏曰駿之事豈足道也哉當其枕于仰瞻之初業已溺心乎酒色尸位九年復讐之舉寥然亡聞隨以亂風繼以巫風其亡之忽諒宜矣今川氏先世已有庭訓語意樸

實今尚行于盲俗又加以義元氏規戒之切寔有先見之

明而氏真惜然可嘆爾古稱知子莫若父猶信

○朝比奈泰能備中為駿守掛川地險食足乃迎駿侯召

募義勇○甲將秋山晴近伯耆守一作信友帥兵濟大井河而西

使人招久能城王宗能久能三郎左衛門弗聽晴近攻久能參人

救之敗于見附菴地大君忿使讓晴近曰我遵約斷河西

若胡搗之節不返夫我且親出晴近懼而引去○大君攻

掛川連城壁偏之數日接戰不決大君退次見附○初

氏真娶相侯氏康左京大夫女氏康子氏政相模守又左京大夫娶甲侯

信玄女生子氏直左京大夫甲相方睦甲侯既滅駿懼相之督

過使人告駿罪且曰請與相割境富士川以分駿焉相侯



氏政大怒拘其使者戒嚴○大君奏請復德川氏  
 ○十二年己巳春正月詔報可大君因定以德川為  
 宗氏松平為旅○北條氏伐駿納氏真磔殺甲使者次薩  
 陸邦制磔刑與武田氏聞之使山縣昌景守駿府親軍沖  
 津蒲原之間及相人相距不決○三好氏黨自阿入津松  
 永久秀岩成左通復畔應之五日入京師圍大君義昭於  
 本國寺護衛皆殊死捍禦三好義繼獨助義昭擊賊細川  
 藤孝池田勝政荒木村重等率兵入援賊遂散走濃侯信  
 長開警率兵五萬馳入京師久秀左通復降餘悉逃入海  
 信長乃論功行賞盡毀賊黨邸舍在洛者為義昭治第就  
 二條舊址拓其東北課畿內及二丹若播勢參諸侯佐役

信長備于妙壽寺躬親監視以至成士臣或執畚鍤云○  
 大君復攻掛川次引間嚴禁劫掠撫循百姓使謂信玄曰  
 掛川孤立可指日而定前日割界之約何如信玄曰謹若  
 約矣十七日大君進陣天王山以銃手蒲掛川城兵屢  
 出我師多不利廿日氏真潛遣人謂久能宗能父宗明右八  
 門曰我欲夜斫敵營汝自後應即我得志以遠賞之宗明  
 許諾召宗能言之弗從廿一日使者復至戒期宗明悔與  
 宗能入見告故大君命佯受約設三獲城外及期敵選  
 精騎潛出夾擊破之獲將校五人師遂門焉主人堅拒不  
 得入二月大君置戍退次見附定濱名都築地並遠○豐  
 侯宗麟欲圖肥前乃遣戶次道雪等圍佐賀講造寺與肥



侯隆信聞踰月不決○三月我師復攻掛川七日戰于西  
宿大破之獲將校三十六人追亡傳城環竹盾逼之主人  
發舟師自懸冢津出我軍後大須賀康高柳原康政鳥居  
元忠邀擊走之 大君退次引間會氣賀遠地盜起聚黨千  
餘將斷我歸路 大君不之知與十餘騎馳過賊亦不知  
既而遣兵討而平之梟其渠帥餘悉赦之○夏四月二條  
筑成設湟塹峻門墻飾池臺聚花石周以侯邸六日濃侯  
奉將軍義昭徙新第享諸侯佐役者遣歸之○甲侯相侯  
相持累月食且盡各置戍收師常陸介源義重新羅義光  
齋曾世有常之佐竹因氏之關東故家稱八第佐竹氏居  
其一土豪多服從相侯之滅上杉管領也諸豪畔附相侯

甲相結兵往往復為常於是義重頗得志與北條氏交兵  
不弭○先是北豐北筑諸城稍稍應藝大友氏遣兵討之  
毛利氏救之好復敗是月毛利氏益出兵令吉川元春小  
早川隆景攻橘筑前地築長圍逼之○掛川力屈今川氏真  
欲奔相使人先相侯許之乃令朝比奈泰勝彌太郎因石川  
家成酒井政親行成 大君許之且曰甲有併駿遠之志  
今以送兒與當與相合兵伐駿以圖復歸氏真請盟 大  
君乃交書五月六日氏真奔相 大君遣松平家忠護  
送達之戶倉豆地遠遂平 大君進抵掛川予之石川家成  
令撫綏新附○織田氏病京師耗廢朝儀衰歇念所答昔  
歲朝命首欲修造 皇宮令村井貞勝民部丞董役以民力

世修齋張壽 史記卷之二 十一



拒命書 逆賊之

廿九

淵察日久故寬其期乃先實府庫考律令定法度十一日  
辭還留羽紫分吉護京師又分兵徇但池田勝政伊丹親  
興大和守導之但人望風降附遂伐守護山名氏滅之旬月  
定但而還○大君巡遠兵厯數百甲將山縣昌景將步騎  
三千自駿府抵金谷地遠與大君遇昌景下拜而過睹  
大君兵寡欲以微奇功反驕掩之麾下走就要地奮擊卻  
之 大君怒而甲絕遂遣兵攻駿府昌景棄營而遁○大  
君與相謀納氏直氏貞自戶倉遣小倉資久內藏城于  
駿府今川氏遺臣岡部正綱次郎右衛門等相聚守之○豐侯  
聞橘急曰是腹心之患也乃命道雪與佐賀行成還師益  
之以生兵步騎入蕪徑赴相與藝師鏖戰累日不決乃對

壘相持○六月武田氏伐相次鳴島地豆甚雨及之相入乘

夜襲營甲帥驚潰會水溢衝營糧仗蕩盡信玄遺章旗而

遁○天方飯田地並遠拒我命 大君攻天方柳原康政天

野康景大窪忠隣新十郎後相換守先登下之又伐飯田取之○

天文季年雲侯晴久以讒殺叔父國久守紀伊及其子誠

久式部敬久左衛門悉滅其黨誠久季子勝久助四郎後左衛門尉

生二年奶者匿之得脫晴久大索不得既長為僧居京師

東福寺勇悍趨捷多膂力潛修武技不事戎業及雲亡遺

臣山中幸盛立原久綱等奔京師困蹶數歲竊圖恢復聞

藝豐交兵曰元就耄老將死兩川在筑紫不得輒還此機

可乘乃勸勝久還俗擁以為王糾合舊臣搜數百人勝久

出修葺農器 逸史卷之二 三十一



幸之馳如但舊守護山名宗仙為募海盜舟納諸隱隱人  
服從秋七月遂入雲益傳檄於四方分兵抄掠雲頗服伯  
石響應騎至數千前後下二十餘城求好於備前侯直家  
直家出兵助之藝侯分兵所在策應不能定於是山陰大  
亂唯天野隆重為藝守富田固拒不下勝久乃據末次新  
山並雲南朝時北畠准后親房子右府顯能為伊勢國  
司子孫繁衍世襲其任乘世亂頗封殖焉七傳至中納言  
具教庸劣不振其子信意左中將尚弱立之而老其族木造  
雄利顯能八世孫木造左中將修義子或幼為僧而好武  
見本宗浸衰勸其族具康兵庫頭貞之同作亂濃侯時之  
也八月帥師助具康雄利伐勢取淺香其統內諸城王九

龜嘉隆右馬允後等皆降雄利請為瀧川一益左道將監假子

冒其姓蒲生賢秀子忠三郎氏鄉後飛年十四而敏悟

先登獲甲首濃侯大憚尋以女室之九月前圍大河內治勢

所使瀧川一益焚郭取禾城中糧竭具教行成請養濃侯

少子信雄第二子幼字茶筍後為嗣妻以女許之濃侯下

令悉撤保障毀關繩征以便商旅使信雄冒姓北畠居船

江而反後三年成昏云○大內輝弘大郎左衛門故周侯義隆

季父與義隆有卻出亡在外陶氏之難求納不得逃奔豐

豐侯宗麟善待之及橘役宗麟喉輝弘如周作亂給以兵

五千是月輝弘航海進入山口召募得兵數千土寇競起

應之山陽亦亂然大內氏之亡既久而輝弘庸愚故鉅豪



天族皆戴毛利氏而不肯通謀輝弘心懷危懼不敢進○  
冬十月武田氏伐相戰于三增相師敗績信玄薄小田原  
相人保於駿地者往往棄城若還救○藝師聞國有亂大  
駭兩川欲歸恐豐人追躡乃竭力攻橋者累旬竟拔之乃  
置戍班師修陣固列兩川殿而退豐人請追戶次道雪弗  
聽曰其師甚整未可冀也乃諭橋戍者行成戍者致城而  
去豐師乃罷道雪留而守橋○藝侯令元春元長徑前討  
輝弘輝弘軍懼而潰輝弘與數百騎南走抵海濱船皆望  
風先逃轉至受野兵益落追騎亦至輝弘自殺所有十寇  
亦弭散國中悉平○十一月五日武田氏轉攻蒲原駿地北  
條新三郎為相守捍禦不屈甲侯曰是不可力爭可以

謀取六日陽班師綱重空壁追躡甲侯令公子勝賴率輕  
騎間道入其壁相人望見禡氣甲人夾擊敗之獲綱重斬  
首七百餘級遂進圍駿府岡崎正綱以城降甲侯分兵據  
小山遠地大君令松平真乘攻之○大君欲都于引間城  
惡乃撤之改築其西南○是歲夷船始至長崎肥前地先是  
外船往往至界府及筑之博臺豐之府內而長崎地形尤  
便乎湊泊於是多就焉以互市云

○元龜元年庚午春正月大君徙治於引間改命曰濱  
松使世子信康居岡崎○駿之亡也小原鎮實獨守華澤  
地駿不下駿嬖人三浦義鎮實鎮實子亦亡在華澤廿六日  
武田氏攻華澤拔之鎮實義鎮逃投高天神遠地以其城主



小笠原長忠與八郎有舊也義鎮途與鎮實相失遇土人誰  
何告以實十人皆曰是虐民誤國之賊乃悉奪衣馬搥擊  
幾死既而裸體被苦達高天神長忠知大君深惜義鎮  
併父子殺之義鎮臨死輾轉號呼曰劊刑唯命願免一死  
劊手掉頓之地以斷其首聞者彈指長忠棄尸以饒野猷  
大君聞快之而心薄長忠○藝伎元就遣輝元及元春隆  
景白石人雲討尼子勝久與其將山中幸盛立原次綱等  
戰于布弁大破之進追勝久于末次勝久不能支走新山  
先是勝久分兵欲自備人藝益求援於浮田氏浮田氏助  
之攻備中諸城下之於是毛利氏令穗田元清景弟六郎左衛門  
後伊豫守赴備伐諸城降敵者悉復之尼子浮田之軍不能爭

而罷○越前侯朝倉義景好內而廢政二月織田氏將伐  
之使人來乞師大君使酒井忠次如濃請師期三月濃  
侯潛帥先朝京師大君幸兵一萬繼之聲言觀於京畿  
○夏四月相侯氏康遣其相松田憲季尾張擊甲將小山田  
彈正于深澤駿地不利已而相侯又使世子氏政率兵數萬  
刈深澤之麥而還初相侯以復今川氏為名因欲併駿於  
是知甲國難力爭乃罷兵給氏真以早川之田使為寄公  
○十四日將軍義昭享濃侯及大君公卿及畿甸侯伯  
皆會詔敘信長正四位下廿日治兵遂赴越前濃侯自  
江大君自若○廿三日詔改元元龜○廿五日大  
君會濃侯于敦賀越前地師開手簡取之進下金崎濃侯分  
川修齋叢書逸史卷之二



兵遣丹羽長秀明智光秀徇若初緒谷侯淺井長政備前守即濃得姻益暱於是猝與越通謀開濃師深入舉兵斷其歸路江人多畔應之濃侯聞警不信飛報三至懼欲遁越侯義景出兵綴之濃侯邀大君問謀大君曰亡何也備州雖勇而見事晚矣公請過入京師歸路必未及塞若留孟將一人乎某助之為後拒保其無他濃侯大喜乃顧衆曰孰能殿焉將相目不言羽柴秀吉前曰臣請留濃侯壯之與選兵三千乘夜趨京師朽木城主元綱信濃守嘗納款于濃侯於是聞其急率兵逐之濃侯猜其禍心不敢前元綱乃脫甲捨軍獨進以示意遂送入洛初足利氏之衰世臣宿將皆跋扈動輒作亂逐王獨元綱父植綱民部少輔

一心奉戴終始弗渝於是元綱亦不陸家聲世入美之秀吉勒兵布陣越人不動廿九日大君與秀吉合甲退抵朽城長秀光秀在若路柳不能還大君分兵援之亦得達朽城時盜賊充斥且鬪且行晦日入京師濃侯大悅乃謀伐湖北戒師期○五月豐侯宗麟再出師入肥伐佐賀那侯隆信與臣鍋島直茂平右衛門後加賀守初名信正逆擊大破之豐侯益發兵繼之○十八日大君至自京師○湖南之亡也故侯承禎踰伏山谷十九日濃侯自京師還過千草嶺江承禎遣客善住操銃狙發中袖而不入六月承禎聚羣盜軍于益順四日濃將作閒信盛柴田勝家擊敗之餘衆弭散○十七日濃侯率兵三萬五千伐江克陷諸邑廿一





此誠... 三十一

日進攻緒谷主人不出轉圍橫山橫山告急於緒谷先是  
緒谷求援于越前越侯義景令朝倉景健孫三率兵一萬  
五千赴救緒谷侯長政將兵八千會越師軍于大崎廿六  
日人君將步騎五千會濃師于龍鼻廿七日長政議曰  
今距龍鼻五十町直馳則兵疲不可用乘夜進野村三田  
黎明擊其不意可以逞矣夜潛勒衆濃侯望燎曰今敵移  
陣詰旦必來不可不備遂分兵為十三隊別令丹羽長秀  
當橫山謂大君曰公請當江人公兵寡矣我且益之乃  
使稻葉通朝伊豫守晚從因貽大君以一槍曰是為源  
鎮西箭鏃公源氏裔胃且日之事其以斯槍揮衆用樹殊  
勲矣今鹵簿中舉比鞞是也 大君作四軍酒井忠次為

前驅石川敏正為申驅 大君率中軍通朝率後勁質  
江人軍于野村越人軍于三田濃侯又使來謂曰江為深  
讐我親當之公請擊越人 大君對曰唯命是從忠次諫  
曰處分已定今而移陣衆心必動 大君曰江寡越衆舍  
弱趨強我武多矣遂引兵而西夾姊川而陣越騎百餘先  
濟本多忠勝擊卻之越人又濟我前驅申驅承之力戰  
越人或射松井忠次貫左手着鞍橋忠次命卒拔矢反射  
擊之越師益進江人見越師競亦濟濃前軍鐵馬池田信  
輝勝三郎晚羽柴秀吉迭進皆北江人直衝濃中軍越人  
亦已逼麾下 大君忿舞鎮西槍師士顧柳原康政本多  
廣孝曰盍以偏師衝擊二人涉澤而馳與麾下倚角士皆  
出修將裝其 逸史卷之二

三十一



殊死戰呼聲動地越師敗績乘勝追北斬俘甚多江人勢  
沮通朝乃以後勁橫擊之大君亦轉旆沿姉川而進與  
濃三於江師江師遂敗績追擊至大崎而還濃侯見  
大君謝曰今日之功百韓千彭不足望後塵贈遺甚厚橫  
山滑諸堡多降濃侯使秀吉守橫山秀吉請曰備州大敗  
塗地其良多死今進逼緒谷一鼓可殄矣濃侯弗聞而罷  
大君至自師東諸侯聞此役也皆深服大君壯武推為  
海道第一○秋七月濃侯獻捷京師○大君與越後上杉  
氏通好寄父氏其份之也○八月大風拔屋敗稼遠參尤  
甚大君命三奉行巡視賜卹有差百姓忘舊  
逸史氏曰詩云不解于位民之所墜大君可謂不解也

已其民於也乎墜矣

○義世子輝元在雲數月與尼子勝久會戰驟克又伐郡  
邑畔者往往下之會藝侯有疾於是引還吉川元春留守  
富田尼子氏不敢動○三好康長長慶弟山城守晚號笑嵩與族人自  
阿入津誘泉紀賊以反據野田福島濃侯親往討之九月  
足利義昭帥師次浦井三好義繼松永久秀次茨木池田  
伊丹有馬等城主從義昭軍于大馬濃侯軍于大王寺石  
山本願寺主光佐顯舉兵應賊石山即大坂初光佐鼻祖  
親鸞以優婆塞自處其居亦就尋常第家八世至兼壽蓮如  
是有才辨大振祖風始祝髮着緇而啖肉蓄妻白若乃新  
置佛利于山科山背命以本願寺天下支派儼然蒲僧寺者  
修善寺其逸史卷之二  
三十五



助於此天正初年與細川晴元有惡晴元力不能制嗾法  
華一揆攻山科燔之伽藍皆燼兼壽奔大坂次年驅其黨  
作亂進攻界府逐晴元會法華黨赴救行成而罷遂劊石  
山巨利命以舊號四民歸依益熾其曾孫爲光佐繼田氏  
嘗相石山地形曰是可以城焉乃使人謂光佐曰宜見我  
石山可易之地從所請其必給贊營伽藍以依布命之例  
光佐以迹似見遂又恐其食言羞吝未承命其徒強詰之  
曰吾法之闡揚拔新者實係蓮如上上人垂跡之地不  
容有寸移光佐遂固辭使命信長忿曰我當以力取之及  
是役意實屬石山光佐聞濃師出廩其情乃決意而反移  
書五畿及紀越諸國一擗舊黨就寺設壇以自守焉按

豐臣氏興就石山城址營都城城中  
蓮如井今存城外正門前者即是也四方未寺門徒會

者五萬餘信長度其難猝制聲言攻野田福島移軍天馬

賊黨大懼康長等往行出降餘衆潰十四日石山賊五千

取杜河內地禾濃侯縱兵擊之賊多出銃手濃人奔死傷

頗多前田利家又左衛門後筑前  
守又加賀大納言單騎而殿賊不敢前利

家尾國荒子邑人少而豪邁爲繼田氏微者從軍數有首

功得補偏裨於是著稱十八日濃師再與石山賊戰復敗

逸史氏曰繼田氏之於一向宗也始未有意於滅之特利

其土地耳乃諭以易地申之以營造未爲處之之暴矣光

佐氏獨狃便安以轉移爲心遽啟兵端一朝之忿殃延數

歲彼此之民肝腦塗地所在黨與信誑誘以嬰誅夷亦幾

川修齊叢書 卷之二 三十七



千萬其慘蓋不可言矣吾聞之也浮屠之人以慈悲忍辱  
為業貪嗔殺生為戒今而如此固當可勝嘆哉

○十九日越前使朝倉景鏡率兵如江與緒谷合兵攻坂

基濃將森可成武藏守初死之可成初仕齋藤氏去仕織

田氏繼田氏之控駿勦濃可成皆與有力焉可成子長可

第二子諸書及蘭丸並以勇著云越師江師進焚大津醍

醐山科與叡岳延曆寺僧合謀斷濃侯歸路越侯義景大

舉繼至佐佐木承禎舉兵應之軍于益須織田氏大愕與

義昭班師馳入京師石山賊追尾柴田勝家前田利家佐

佐成政擊卻之信長次于滋賀江義昭軍將軍塚山背越

人江人保于叡岳信長為長圍使人來乞師大君使石

川家成酒井忠次赴援屢與承禎戰信長使人招諭叡岳

僧徒且曰今不從則我必焚滅緒山僧皆弗聞岳僧素衰

侈不持戒至此益收婦女貯酒肉號為犒師公然作奸信

長滋怒○冬十月和侯氏康卒世子氏政代侯而暨甲平

甲侯尋勦相除寄公氏真氏真聞之來奔大君與之近

邑善視之○大友氏患佐賀師無功屢發筑後習流數千

助之亂造寺氏使鍋島直茂逆而擊之三戰皆克又夜襲

豐管大藏豐入築長圍守之者累月於是織田氏傳大君

義昭教諭結成豐師乃罷○尼子勝久出兵襲末次吉川

元春聞警自富田赴援勝久宵逃還新山元春追擊摩新

山壘縱火而還勝久畏懦不能尾○初洛師西阿人革長

川修爾其時



三十九

一宣佐竹氏之裔越前守三好氏亂失舊采濃侯為復之一宣奮欲自效於是因細川藤孝言於濃侯曰請率其屬入越擣虛以撓之濃侯悅許之一宣乃與子秀存忠官騁至丹後招諭海盜以舟師抵越前縱火攻陷郡邑越前侯淺景聞之始懼十一月承禎降濃越人勢益屈且患北地雪深因義昭行成○初甲人屢侵越後又侵濃參之鄰於是上杉氏使人於濃師請通好以圖甲繼田氏許之乃與越後連和而與甲聘通如故○晦日義昭親抵湖上園城寺居間三國天皇亦下詔平之十二月王人如師濃侯與越江交載書各罷歸○大君異父弟久松義勝拘于駿多年及駿亡為甲人所奪是冬逃歸跋涉冰雪足指皆墮

夫君哀愍厚撫之

逸史卷之二終

出參齊書卷之... 逸史卷之二... 三十九



北  
仲  
列  
義  
書  
立  
五  
不  
二  
七  
一

皇  
史  
本  
之  
二  
卷

三  
十  
九

家  
史  
記  
載  
所  
見



